

Arkiv: <arkivID><jplD> FA-U01
JournalpostID:
Sakshandsamar:
Dato: 27.01.2021

Saksframlegg

Saksnr.	Utval	Møtedato
025/21	Utval for næringutvikling og drift	03.02.2021

Rammer og føringar for handsaming av søknader til næringsfond 2021

Rådmannen sitt framlegg til vedtak:

Rammer og føringar for handsaming av søknader til næringsfond 2021 blir vedtatt slik dei ligg føre i saka.

Utval for næringutvikling og drift 03.02.2021:

Handsaming:

Kommunalsjef Hogne Haugsdal og hovudprosjektleiar Samfunnsutviklin Tove Hagenes orienterte i saka og svara på spørsmål.

Utvalsleiar Stian Lavik (KRF) sette fram følgjande tilleggsframlegg:

Utvalet ber om at det vert ståande igjen 100 000 etter sakshandsaming ved siste handsaming i året. Dette gjeld det ordinære næringsfondet.

Utvalet vedtok samrøystes rådmannen sitt framlegg til vedtak.

Utvalet vedtok samrøystes Stian Lavik sitt tilleggsframlegg.

ND- 025/21 Vedtak:

Rammer og føringar for handsaming av søknader til næringsfond 2021 blir vedtatt slik dei ligg føre i saka, med følgjande tillegg:

Utvalet ber om at det vert ståande igjen 100 000 etter sakshandsaming ved siste handsaming i året. Dette gjeld det ordinære næringsfondet.

Politisk handsaming

Saka skal avgjerast i utval for Næringsutvikling og drift.

Kva saka gjeld:

Denne saka gjeld rammer og føringar for handsaming av søknader til næringsfond 2021. Dette er rammer og føringar for sakshandsaming utover gjeldande fondsvedtekter.

Saksopplysningar

Bakgrunn

Kommunestyret i Alver vedtok justerte fondsvedtekter for næringsfondet i november 2020. I handsaming av budsjett og økonomiplan 2021 – 2024 blei det sett av kr 1,5 mill til næringsfondet. Føremålet med næringsfondet er at det skal bidra til næringutvikling, vekst og fleire arbeidsplassar i Alver kommune.

Målsettingane er følgjande:

- Stimulere prosjekt som gir vekst i eksisterande verksemdar og arbeidsplassutvikling i Alver kommune.
- Stimulere til ei berekraftig næringutvikling
- Omstilling og nyskaping i næringslivet
- Tiltak som styrker næringslivet i arbeidet med ny teknologi, innovasjon og entreprenørskap.

- Samarbeidstiltak innanfor etablert næringsliv
- Stimulere til kompetanseutvikling i næringslivet

Det er lagt opp til to tildelingar frå næringsfondet per år. Fondsvedtektene legg fundamentet for korleis søknadar skal handsamast og prioriterast, men i løpet av handsamingsprosessane i 2020 er det gjort fleire praktiske erfaringar som ikkje er dekkja av vedtektene. For å klargjere dette blir det lagt fram forslag til rammer og føringar for handsamingsprosessen i 2021.

Vurdering:

Næringsfondet til Alver er populært, det har kome inn mange søknader i 2020 og total søknadssum er langt høgare enn det beløpet som er tilgjengeleg i fondet. Erfaringar frå tildelingane viser at det bør vere rammer og føringar for sjølve sakshandsaminga, både administrativt og politisk. Utover fondsvedtektene rår rådmannen til følgjande rammer og føringar:

1. **Vekting av faktorar i vedtektene:** I vedtektene er det lagt vekt på for eksempel grad av innovasjon, entreprenørskap, berekraft og samarbeid mellom aktørar. Utvalet bør vurdere om det er nokre av desse faktorene som skal vektast meir enn andre i 2021.
2. **Fordeling av fondssum:** Med to tildelingar per år er det stor risiko for å bruke størstedelen av midlane i første tildeling. Det blir derfor foreslått å dele opp den totale fondssummen i to like delar for å sikre best mogleg fordeling. Utvalet kan løyve meir eller mindre, men administrasjonen arbeider ut frå ei lik fordeling som eit utgangspunkt for sakshandsaminga.
3. **Prioritering av søknader:** Erfaringa viser at eit stort tal søknadar kan bety betydeleg mindre støtte enn det som er søkt om i dei ulike prosjekta. Dette kan bety at mange prosjekt ikkje kan gjennomførast slik dei er planlagt. Det blir foreslått å prioritere færre prosjekt der tildeling av midlar ligg mest mogleg opp til søknadssum. Dette kan bidra til større gjennomføringsgrad for dei prosjekta som blir prioritert.
4. **Prioritere prosjekt som støttar kommunen sin næringspolitikk:** I løpet av 2021 vil kommunen få på plass kommuneplan og strategisk næringsplan med ein prioritert næringspolitikk. Det blir rådd til å støtte prosjekt og verksemder som støttar kommunen sine strategiske satsingar. Dette kan også bety å prioritere nokre bransjar og tema framfor andre.
5. **Historikk og gjennomføringsevne:** Det er aktørar som har søkt støtte frå næringsfondet fleire gonger. Det bør leggjast vekt på gjennomføringsevne til desse aktørane.
6. **Tilgjengeleg dokumentasjon:** All dokumentasjon som er grunnlag for sakshandsaming skal vere tilgjengeleg for utvalsmedlemmar i politikarportalen, slik at politisk nivå skal ha eit best mogleg grunnlag for å ta avgjerd. Søkjarar må sjølv informere om konkurransesensitiv informasjon.

Vedlegg i saken:

27.01.2021	Fondsvedtekter næringsfond Alver kommune_vedtatt	1504145
26.11.21		